

# ԿՈՆԿԵՆՑԻԱ

## ՀԱՇՄԱՆԴԱՄՈՒԹՅՈՒՆ ՈՒՆԵՑՈՂ ԱՆՁԱՆՑ ԻՐԱԿՈՒՆՔՆԵՐԻ ՄԱՍԻՆ



Հեշտ ընթերցվող տարբերակ





Այս կոնվենցիայի լրիվ անունն է  
Միավորված ազգերի կազմակերպության  
**կոնվենցիա**  
հաշմանդամություն ունեցող անձանց  
իրավունքների մասին

# 1. Այս կոնվենցիան



Այս կոնվենցիան ընդունած պետություններում հաշմանդամություն ունեցող անձինք պետք է բոլորի նման ունենան նույն իրավունքները:

# 2. Սահմանումները

- Հարաբերություն, շփում ասելով հասկանում ենք այն միջոցները, որոնք օգնում են հաշմանդամություն ունեցող անձանց հաղորդակցվել և հասկանալ տեղեկատվությունը, օրինակ՝ համակարգիչ, հեշտ ընթերցվող տարբերակ կամ Բրայլի համակարգ:




- Խտրականություն նշանակում է հաշմանդամության պատճառով անարդարացի վերաբերմունքի ենթարկվել:

- Լեզու ասելով հասկանում ենք խոսակցական լեզուն, որով մարդիկ խոսում են միմյանց հետ, ինչպես նաև շարժումների լեզուն:



### 3. Ընդհանուր սկզբունքները



- Մարդիկ ազատ են իրենց ընտրությունը կատարելու:

- Ոչ ոք չպետք է խտրականության ենթարկվի:



- Հաշմանդամություն ունեցող անձինք ունեն հասարակական կյանքին մասնակցելու հավասար իրավունքներ, ինչպես սյուաները:

- Հարգանք հաշմանդամություն ունեցող անձանց նկատմամբ:



- Յուրաքանչյուրն ունի հավասար հնարավորություններ:



- Յուրաքանչյուրը ունի որևէ վայր մուտք գործելու հավասար հնարավորություններ:

- Տղամարդիկ և կանայք հավասար են:



- Հարգանք հաշմանդամություն ունեցող երեխաների զարգացող հնարավորությունների նկատմամբ:

## 4. Պետությունների պարտավորությունները

- Պետություններն ապահովում են, որ հաշմանդամություն ունեցող անձինք հավասարապես պաշտպանված լինեն:



### Այդ նպատակով պետությունները պարտավորվում են

- Մշակել նոր կանոններ և կանոնակարգեր հաշմանդամություն ունեցող անձանց իրավունքների իրականացման համար, ինչպես նաև կատարել օրենսդրական փոփոխություններ հին գործող օրենքներում:

- Երաշխավորել, որ հաշմանդամություն ունեցող անձանց իրավունքները հավասարապես ամրագրված են օրենսդրության մեջ:



- Հաշմանդամության հետ կապված հարցերը ներառել երկրի ռազմավարությունում:

- Չկատարել այս կոնվենցիային հակասող գործողություններ:




- Ապահովել, որ պետական իշխանությունները գործեն այս կոնվենցիային համաձայն:



- Արգելել խտրական վերաբերմունքը հաշմանդամություն ունեցող անձանց նկատմամբ:


- Երաշխավորել, որ ամեն ինչ կառուցված է այնպես, որ յուրաքանչյուր մարդ կարողանա օգտվել:



- Օգտագործել նոր տեխնոլոգիաներ՝ օգնելու հաշմանդամություն ունեցող անձանց:

- Հաշմանդամություն ունեցող անձանց տրամադրել նրանց համար օգտակար, մատչելի տեղեկատվություն:





- Վերապատրաստել մասնագետներին այս կոնվենցիայով սահմանված իրավունքների մասին:

- Երաշխավորել, որ հաշմանդամություն ունեցող անձինք խտրականության չեն ենթարկվում:



- Պետություններն օրենսդրություն և ռազմավարություն մշակելիս և իրականացնելիս ներգրավեն նաև հաշմանդամություն ունեցող անձանց:

## 5. Հավասարություն

- Պետություններն ընդունում են, որ բոլորը հավասար են օրենքի առաջ և արգելվում է որևէ խտրականություն հաշմանդամություն ունեցող անձանց նկատմամբ:



## 6. Հաշմանդամություն ունեցող կանայք հավասարապես պաշտպանված են



- Պետությունները երաշխավորում են, որ հաշմանդամություն ունեցող կանայք և աղջիկները տարբեր եղանակներով պաշտպանված են անարդարություններից:

- Պետություններն ապահովում են, որ հաշմանդամություն ունեցող կանայք և աղջիկներն ապրեն ազատ, լիարժեք և հավասար հնարավորություններով կյանքով:



## 7. Հաշմանդամություն ունեցող երեխաները հավասարապես պաշտպանված են



- Պետություններն ընդունում են, որ հաշմանդամություն ունեցող երեխաներն ունեն նույն իրավունքներն ու պարտականությունները, ինչ սյուսները և հավասարապես պաշտպանված են:

- Պետություններն ապահովում են, որ հաշմանդամություն ունեցող երեխաները մասնակցեն իրենց վերաբերող հարցերի մասին կարծիք արտահայտելուն: Հաշմանդամություն ունեցող երեխաները կարիք ունեն առանձնահատուկ աջակցության:



## 8. Հաշմանդամության վերաբերյալ տեղեկատվության տրամադրում մարդկանց



- Պետություններն օգնում են մարդկանց հասկանալու, որ հաշմանդամություն ունեցող անձինք ունեն հավասար իրավունքներ և ցույց են տալիս նրանց ունակությունները, հմտությունները:

### Այս նպատակով՝

- Կազմակերպելով քարոզարշավներ՝ փոխելու մարդկանց ստաժեկակերպը հաշմանդամություն ունեցող անձանց մասին:




- Ցույց տալով, թե ինչ հիանալի աշխատող կարող են լինել հաշմանդամություն ունեցող անձինք:



- Վաղ հասակից բոլոր երեխաների մեջ հարգանք սերմանելով հաշմանդամություն ունեցող անձանց հավասար իրավունքների նկատմամբ:

- Լրատվամիջոցներով պատշաճ կերպով ներկայացնելով հաշմանդամություն ունեցող անձանց:



- Օժանդակելով հաշմանդամություն ունեցող անձանց աշխատանքի վերաբերյալ իրազեկվածության բարձրացմանը:

## 9. Մատչելիությունը



Պետություններն ապահովում են հաշմանդամություն ունեցող անձանց համար մատչելի ֆիզիկական միջավայր:

- Հանրային վայրերը, ինչպես հիվանդանոցները, դպրոցները, փոխադրամիջոցները, պետք է մատչելի լինեն:

- Այդ շինություններում կիրառեն հեշտ ընթերցվող և հասկանալի նշաններ ու Բրայլի համակարգ:



- Տրամադրեն ուղեկցողներ և նշանների լեզվի մասնագետ թարգմանիչներ հասարակական վայրերում:

- Լինեն ուղեցույցներ, թե ինչպես ավելի հեշտ մուտք գործել հանրային վայրեր:



- Մշակեն տեղեկատվության մատչելիության վերաբերյալ վերապատրաստում:



- Ապահովեն հաշմանդամություն ունեցող անձանց համար նոր տեխնոլոգիաներից օգտվելու մատչելիություն:

- Ապահովեն տեղեկատվական ու հաղորդակցական նոր տեխնոլոգիաների մատչելիությունը:



- Ապահովեն հաշմանդամություն ունեցող անձանց անհրաժեշտ մատչելի տեղեկատվություն:

## 10. Կյանքի իրավունք



- Յուրաքանչյուրը, ներառյալ հաշմանդամություն ունեցող անձինք, ունեն կյանքի իրավունք:

- Պետություններն ապահովում են, որ հաշմանդամություն ունեցող անձինք արդյունավետ օգտվեն կյանքի իրավունքից:



## 11. Արտակարգ իրավիճակներ



- Պետություններն ապահովում են վտանգավոր իրավիճակներում կամ բնական աղետների ժամանակ հաշմանդամություն ունեցող անձանց պաշտպանությունը:

## 12. Օրենքի առաջ հավասարությունը

- Հարգանք հաշմանդամություն ունեցող անձանց նկատմամբ:




- Հաշմանդամություն ունեցող անձինք մյուսների նման ունեն նույն իրավունքները կարևոր հարցերի վերաբերյալ որոշում կայացնելու համար:

Որոշումներ կայացնելիս անհրաժեշտության դեպքում հաշմանդամություն ունեցող անձինք ստանում են համապատասխան աջակցություն:



- Եթե հաշմանդամություն ունեցող անձը մյուսների հետ խոսելու համար կարիք ունի ևս մեկ այլ մարդու, պետք է օրենք, կանոններ լինեն՝ վստահ լինելու համար, որ դա արվում է պատշաճ ձևով:



# Հաշմանդամություն ունեցող անձինք ունեն հավասար իրավունքներ



- Ունենալու անշարժ գույքի սեփականություն:



- Վերահսկելու իրենց սեփական ֆինանսական միջոցները:



- Սյուսների նման պարտք վերցնելու:




- Գումարը կամ բնակարանն իրենցից չխլելու:



### 13. Արդարադատություն

- Ինչպես բոլորը, հաշմանդամություն ունեցող անձինք նույնպես ունեն դատարան զնալու, այլ մարդու դատարան տանելու, ինչպես նաև դատարանում գործի քննությանը մասնակցելու իրավունք:



- Հաշմանդամություն ունեցող անձինք աջակցություն են ստանում՝ վստահ լինելու, որ իրենք ունեն այդ իրավունքները:

- Պետությունները հատուկ վերապատրաստում են իրականացնում դատարանների, ոստիկանության և կալանավայրերի աշխատակազմերի համար:



## 14. Ազատ և պաշտպանված լինելը



- Հաշմանդամություն ունեցող անձինք ազատ և պաշտպանված են սյուսների պես:

- Հաշմանդամություն ունեցող մարդիկ իրենց հաշմանդամության պատճառով չեն կալանավորվում, եթե չկա այլ պատճառ օրենքին համաձայն:



- Հաշմանդամություն ունեցող անձինք բոլորի նման ունեն նույն իրավունքները՝ միջազգային օրենքներին համապատասխան: Կոնվենցիայում այդ իրավունքները նշված չեն, սակայն հաշվի է առնված դրանց գոյությունը:



- Ստանան մատչելի տեղեկատվություն իրենց իրավունքների մասին:



- Ապահովել, որ դատարանում ստանան աջակցություն՝ արդար քննություն իրականացնելու համար:



- Իրենց գործերի քննությունը կազմակերպվի այն հաճախականությամբ, ինչպես մյուսներինը:

## 15. Բռնությունների և խոշտանգումների չենթարկվելը

- Հաշմանդամություն ունեցող անձինք չպետք է ենթարկվեն բռնությունների կամ խոշտանգումների:



- Հաշմանդամություն ունեցող անձինք չպետք է ենթարկվեն փորձերի, հատկապես բժշկական, առանց իրենց համաձայնության:



- Պետությունները ձեռնարկում են ամեն ինչ՝ երաշխավորելու համար նման դեպքերի արգելումը:

## 16. Պաշտպանվածություն բռնությունից և շահագործումից



- Պետությունները մշտապես մշակում են օրենքներ և կանոններ՝ պաշտպանելու հաշմանդամություն ունեցող անձանց տանը և դրսում բռնություններից, դաժան վերաբերմունքից և շահագործումից:

- Պետությունները նաև կանխում են չարաշահումները՝ ապահովելով համապատասխան աջակցություն, տրամադրելով տեղեկատվության և ուսուցանելով, թե ինչպես խուսափեն չարաշահումներից և հայտնեն դրանց մասին:



- Պետություններն ապահովում են, որ հաշմանդամություն ունեցող անձանց աջակցող ծառայությունները արդյունավետ կերպով վերահսկվեն՝ երաշխավորելու համար, որ չարաշահումներ չեն լինի:

- Պետությունները միջոցներ են ձեռնարկում, որ շահագործման ենթարկված անձանց տրամադրվի անհրաժեշտ օգնություն և աջակցություն, նրանց պահեն ապահով և օգնեն վերականգնվելու:



- Պետություններն արդյունավետ կերպով ապահովում են հայտնաբերելու շահագործման դեպքերը և այդ մարդկանց նկատմամբ դատական գործ հարուցելու:



- Հատկապես կանայք և երեխաներն ունեն առաձեռնահատուկ աջակցության կարիք:

## 17. Հաշմանդամություն ունեցող անձանց պաշտպանված լինելը

- Հաշմանդամություն ունեցող անձինք մյուսների նման պաշտպանված են նույն իրավունքներով:



## 18. Տեղաշարժելը



Հաշմանդամություն ունեցող անձինք իրավունք ունեն

- Ընտրելու իրենց բնակության վայրը, ինչպես մյուսները:

- Լինել երկրի քաղաքացի և հաշմանդամության պատճառով չզրկվել դրանից:

Ունենալ փաստաթղթեր, ինչպես, օրինակ՝ անձնագիր, ինչպես բոլոր մարդիկ:



- Մեկնել ինչպես ցանկացած, այնպես էլ իր երկրից:

- Հաշմանդամություն ունեցող երեխաներն ունեն անուր ունենալու, քաղաքացիություն ստանալու իրավունք, ինչպես նաև հնարավորության դեպքում իրենց ծնողներին ծանաչելու և նրանց խնամքի տակ գտնվելու իրավունք:



## 19. Անկախ ապրել և լինել հասարակության մի մասը

- Պետությունները երաշխավորում են, որ հաշմանդամություն ունեցող անձինք ունեն ընտրելու ազատություն և լինելու իրենց հասարակության մի մասը:



Հաշմանդամություն ունեցող անձինք կարող են ընտրել՝



- իրենց բնակության վայրը, ինչպես յուրաքանչյուրը:

- Ում հետ ապրել, ինչպես յուրաքանչյուրը:



- եվ չապրել հանրակացարանի կարգի հատուկ վայրում, եթե չեն ուզում:



- Օգտվելու աջակցության տարբեր ծառայություններից, ներառյալ անձնական աջակցությունից:



## 20. Տեղաշարժելը



- Պետություններն ապահովում են, որ հաշմանդամություն ունեցող անձինք հնարավորինս ինքնուրույն կարողանան տեղաշարժել:

### ● Պետությունները պետք է՝

Նպաստեն հաշմանդամություն ունեցող անձանց տեղաշարժման մատչելիությանը:



- Օգնեն հաշմանդամություն ունեցող անձանց գտնելու շարժունակություն ապահովող որակյալ պարագաներ, սարքավորումներ:

- Այդ պարագաները տրամադրել մատչելի գներով:



- Կազմակերպել դասընթացներ տեղաշարժելու հմտությունների մասին:

- Սարքավորումներ արտադրող ձեռնարկություններից պահանջել, որ դրանք համապատասխանեն հաշմանդամություն ունեցող անձանց կարիքներին:



## 21. Խոսքի ազատություն և տեղեկատվության մատչելիություն

- Պետություններն ապահովում են, որ ինչպես յուրաքանչյուրը, հաշմանդամություն ունեցող անձինք ունենան տեղեկատվություն ստանալու և տրամադրելու իրավունք, ինչպես նաև ասելու այն, ինչ ցանկանում են:



### Այդ նպատակով՝

- Տեղեկատվության տրամադրում մատչելի եղանակով, օրինակ՝ հեշտ ընթերցվող:

- Տեղեկատվության տրամադրում ժեստերի լեզվով, Բրայլի համակարգով և այլ միջոցներով:



- Պահանջել ծառայություններ մատուցող ձեռնարկություններից տրամադրել մատչելի տեղեկատվություն:

- Լրատվամիջոցներով և ինտերնետի միջոցով մատչելի տեղեկատվության տրամադրում:




- Աջակցության տրամադրում՝ օգտագործելու ժեստերի լեզուն:

## 22. Գաղտնիությունը



- Հաշմանդամություն ունեցող անձինք իրավունք ունեն անձնական կյանքի, և ոչ ոք չպետք է միջամտի կամ խանգարի դրան:

- Պետությունները պաշտպանում են, որ ինչպես յուրաքանչյուրը, հաշմանդամություն ունեցող անձանց մասին անձնական տեղեկատվությունը պահվում է գաղտնի:



## 23. Տան և ընտանիքի նկատմամբ հարգանք



Պետությունները երաշխավորում են, որ հաշմանդամություն ունեցող անձինք ունեն ամուսնանալու, ընտանիք կազմելու և անձնական հարաբերությունների հավասար իրավունքներ:

**Պետություններն ապահովում են, որ**

- Հաշմանդամություն ունեցող անձինք ապագա ամուսինների համաձայնությամբ ունենան ամուսնանալու և ընտանիք կազմելու իրավունք:



- Հաշմանդամություն ունեցող անձինք իրավունք ունենան որոշելու, թե քանի երեխա ունենան և երբ, և իրենց կամքին հակառակ չզրկվեն երեխա ունենալու հնարավորությունից:



- Հաշմանդամություն ունեցող անձինք ունենան ընտանիքի անդամների թվի, ինչպես նաև այդ հարցի շուրջ որոշում ընդունելու համար անհրաժեշտ տեղեկատվություն ստանալու իրավունք:

- Պետություններն աջակցում են հաշմանդամություն ունեցող անձանց դաստիարակելու իրենց երեխաներին:



- Հաշմանդամություն ունեցող երեխաներն ունեն իրենց ծնողներից չբաժանվելու իրավունք: Պետություններն աջակցում են հաշմանդամություն ունեցող երեխաներին և նրանց ընտանիքներին:

### Երեխաների իրավունքներն առաջնային են



- Պետությունները երաշխավորում են, որ երեխաները չբաժանվեն իրենց ծնողներից, բացառությամբ այն դեպքերի, երբ նման բաժանումը բխում է երեխայի շահերից:

## 24. Կրթությունը

Հաշմանդամություն ունեցող անձինք ունեն կրթության իրավունք:



Պետություններն ապահովում են, որ հաշմանդամություն ունեցող երեխաները հաճախեն հանրակրթական դպրոց:

- Կրթությունը շարունակվում է ողջ կյանքի ընթացքում:



- Հաշմանդամություն ունեցող անձինք չեն մեկուսացվում ընդհանուր կրթական համակարգից հաշմանդամության պատճառով:

- Հաշմանդամություն ունեցող անձինք չեն զրկվում անվճար և պարտադիր կրթություն ստանալու իրավունքից:



- Հաշմանդամություն ունեցող անձանց կարիքները հնարավորինս բավարարվում են:



- Եթե հիմնական դպրոցում նրանց կարիքները չեն բավարարվում, ապա կարելի է այլ կրթություն կազմակերպել, բայց այնպես, որ նրանք չմեկուսացվեն հասարակությունից:

- Հաշմանդամություն ունեցող անձանց պատշաճ կերպով աջակցելու նպատակով ուսուցիչների և անձնակազմի վերապատրաստում:



- Նպաստել Բրայլի համակարգի ուսուցմանը:

- Նպաստել ժեստերի լեզվի ուսուցմանը՝ որպես խոլ մարդկանց հաղորդակցության միջոց:





- Ապահովել խոլ և կույր երեխաների ուսուցումը՝ այդ անձի համար ամենահարմար ձևով:



- Ձեռնարկել անհրաժեշտ միջոցներ՝ ներգրավելու համապատասխան որակավորմամբ ուսուցիչների:



- Ապահովել, որ հաշմանդամություն ունեցող անձանց համար կրթությունը մատչելի լինի ամբողջ կյանքի ընթացքում:

## 25. Առողջություն

Հաշմանդամություն ունեցող անձինք ունեն առողջ լինելու իրավունք, ինչպես նաև առողջապահական հիմնարկներ մուտք գործելու հավասար հնարավորություն:



### Այդ նպատակով պետությունները՝

- Ապահովում են, որ հաշմանդամություն ունեցող անձինք մյուսների պես մուտք գործելու հնարավորություն ունեն բժշկական կենտրոններ:
- Ապահովում են, որ հաշմանդամություն ունեցող անձանց մատուցեն հաշմանդամության հատուկ կարիքներին անհրաժեշտ բժշկական ծառայություններ:

- Ապահովում են, որ առողջապահական ծառայությունները մատուցեն մարդկանց բնակության վայրին որքան հնարավոր է մոտ:



- Երաշխավորում են, որ բուժաշխատողները հաշմանդամություն ունեցող անձանց մատուցեն նույն որակի ծառայություններ, ինչ մյուսներիին:

- Արգելում են հաշմանդամություն ունեցող անձանց նկատմամբ խտրականությունը կյանքի և բժշկական ապահովագրության ոլորտում:
- Արգելում են հաշմանդամության պատճառով հրաժարվել ցույց տալ բժշկական աջակցություն:



## 26. Վերականգնմանը նպաստող ծառայություններ



Պետությունները հնարավորինս ապահովում են հաշմանդամություն ունեցող անձանց անկախ և առողջ կյանքը և նպաստում նրանց աշխատանքին, կրթությանը, առողջությանը և սոցիալական ծառայություններից օգտվելուն:



Պետությունները պետք է որքան հնարավոր է շատ տեղյակ լինեն հաշմանդամություն ունեցող անձանց կարիերայի և կարողությունների մասին, որպեսզի նրանց աջակցեն՝ տրամադրելով անհրաժեշտ ծառայություն:

- Այս ծառայությունները պետք է որքան հնարավոր է մոտ լինեն հաշմանդամություն ունեցող անձանց բնակության վայրին:



- Նպաստել մասնագետների և անձնակազմի համար կազմակերպվող դասընթացներին:



- Աջակցել հաշմանդամություն ունեցող անձանց բուժմանն ու վերականգնմանը նպաստող օժանդակ պարագաներ ու տեխնոլոգիաներ ձեռք բերելուն:



## 27. Աշխատանք



Հաշմանդամություն ունեցող անձինք նույնպես ունենան աշխատանք:

Պետությունները ջանքեր են գործադրում հաշմանդամություն ունեցող անձանց համար աշխատանք գտնելու համար:

### Այդ նպատակով՝

- Մշակել օրենքներ՝ երաշխավորելու համար, որ հաշմանդամություն ունեցող անձինք հավասարապես պաշտպանված են աշխատավայրում:



- Ապահովել, որ հաշմանդամություն ունեցող անձինք ունենան աշխատանքային հավասար իրավունքներ, կանոններ և վարձատրություն:

- Ապահովել, որ հաշմանդամություն ունեցող անձինք իրավունք ունենան միանալու միությունների՝ համաձայն երկրի օրենսդրության:





- Երաշխավորել, որ հաշմանդամություն ունեցող անձինք կարող են մասնակցել աշխատանքային վերապատրաստումների:



- Օգնել հաշմանդամություն ունեցող անձանց գտնել և ունենալ աշխատանք, ինչպես նաև անցնել ավելի լավ աշխատանքի:



- Օգնել հաշմանդամություն ունեցող անձանց ստեղծելու սեփական բիզնեսը:

- Հաշմանդամություն ունեցող անձանց տալով կառավարությունում, դեսպանություններում և հիվանդանոցներում աշխատանք:



- Օգնել կազմակերպություններին հաշմանդամություն ունեցող անձանց աշխատանքի տեղավորելու համար:

- Երաշխավորել, որ հաշմանդամություն ունեցող անձինք ունենան հարմարավետ աշխատանքային պայմաններ:



- Երաշխավորել, որ հաշմանդամություն ունեցող անձանց աշխատելու հնարավորություն կտրվի:

- Օգնել հաշմանդամություն ունեցող անձանց վերադառնալու աշխատանքի:



- Պետությունները երաշխավորում են, որ հաշմանդամություն ունեցող անձինք հարկադրված չկատարեն չվարձատրվող աշխատանք:

## 28. Ապրելու բավարար պայմանները



Երաշխավորել, որ հաշմանդամություն ունեցող անձինք ունենան լավ ապրելու բավարար պայմաններ: Դա ներառում է սնունդը, հագուստը, բնակարանը և մաքուր ջուրը:

Աջակցել հաշմանդամություն ունեցող անձանց կյանքի բարելավմանը:

- Հաշմանդամություն ունեցող անձինք ստանան պետական աջակցություն իրենց հաշմանդամության ծախսերը հոգալու համար:



- Հաշմանդամություն ունեցող անձանց, հատկապես կանանց, աղջիկներին և տարեցներին մատչելի լինեն սոցիալական պաշտպանության ծրագրերը:

- Երաշխավորել, որ հաշմանդամություն ունեցող աղքատ անձինք պետությունից ստանան աջակցություն՝ հաշմանդամության ծախսերը հոգալու նպատակով:



- Ապահովել, որ հաշմանդամություն ունեցող անձինք կարող են ձեռք բերել բնակարան:



- Ապահովել, որ հաշմանդամություն ունեցող անձինք հավասարապես ունեն ծերության կենսաթոշակ ստանալու հնարավորություն:

## 29. Մասնակցություն քաղաքական և հասարակական կյանքին



- Ապահովել, որ հաշմանդամություն ունեցող անձինք մյուսների պես ունենան քաղաքական կյանքին լիարժեք մասնակցելու իրավունք:

### Հաշմանդամություն ունեցող անձինք ունեն քվեարկելու իրավունք՝

- Ապահովել, որ քվեարկության վայրերը և միջոցները մատչելի են և հասկանալի:
- Պաշտպանել գաղտնի քվեարկության իրավունքը:





- Անհրաժեշտության դեպքում օգնել անձանց քվեարկել իրենց նախընտրած եղանակով:

- Ապահովել հաշմանդամություն ունեցող անձանց մասնակցությունը հասարակական կազմակերպությունների և քաղաքական կուսակցությունների գործունեությանը:



- Ապահովել, որ հաշմանդամություն ունեցող անձինք կարողանան միանալ հաշմանդամություն ունեցող անձանց կազմակերպություններին: Հաշմանդամություն ունեցող անձինք իրավունք ունեն մասնակցելու ընտրություններին՝ առաջադրելով իրենց թեկնածությունը:

### 30. Սպորտ և ժամանց

Հաշմանդամություն ունեցող անձինք բոլորի նման իրավունք ունեն մասնակցելու սպորտային և ժամանցային միջոցառումների:



## Պետությունները երաշխավորում են, որ

- Իրերը, օրինակ՝ գրքերը մատչելի են:



- Հեռուստահաղորդումները, կինոթատրոնները և թատրոնները մատչելի են:

- Հաշմանդամություն ունեցող անձինք կարող են մուտք գործել այնպիսի վայրեր, ինչպիսին թանգարաններն են:



- Հաշմանդամություն ունեցող անձինք հնարավորություն ունեն արվեստագետ դառնալու, եթե ցանկանում են:

- Օրենքներն ու կանոնադրությունը հաշմանդամություն ունեցող անձանց համար ավելի չեն դժվարացնի այդ իրականացները:





- Աջակցել հաշմանդամություն ունեցող անձանց մասնակցելու մարզական միջոցառումների:

- Ապահովել, որ հաշմանդամություն ունեցող անձինք կազմակերպեն հաշմանդամությանը հատուկ սպորտային և ժամանցային միջոցառումներ:



- Սպորտի համար նախատեսված վայրերը մատչելի են:

- Հաշմանդամություն ունեցող երեխաներն ունեն խաղալու, սպորտային և ժամանցային միջոցառումներին մասնակցելու հավասար հնարավորություններ:



### 31. Տեղեկատվությունը



Պետությունները հավաքում են անհրաժեշտ տեղեկատվություն՝ նպաստելու այս կոնվենցիայի իրականացմանը:

Տվյալները պահվում են գաղտնի և առանձին:



## 32. Պետությունների համագործակցությունը



Պետությունները համագործակցում են համապատասխան կազմակերպությունների, մասնավորապես հաշմանդամություն ունեցող անձանց հարցերով զբաղվող կազմակերպությունների հետ:

**Այդ նպատակով՝**

- Ապահովում են, որ համագործակցության մեջ ներգրավված են հաշմանդամություն ունեցող անձինք:

- Նպաստում են տեղեկատվության, փորձի, ուսուցման ծրագրերի, լավագույն գործելակերպի փոխանակմանը:



- Նպաստում են համագործակցությանը և փոխանակում մատչելի և օժանդակող տեխնոլոգիաներ:


### 33. Այս կոնվենցիայի դրույթների իրականացումը



#### Պետությունը պետք է՝

- Կառավարությունում ունենա համապատասխան մարմին՝ գործադրելու այս կոնվենցիայի իրականացումը:

- Ունենա կոնվենցիայի վերաբերյալ միջոցառումների իրականացման ծրագիր:



- Ներգրավի հաշմանդամություն ունեցող անձանց՝ վերահսկելու կոնվենցիայի ծիշտ և արդյունավետ իրականացմանը:

### 34. Հաշմանդամություն ունեցող անձանց իրավունքների հարցերով կոմիտեն

- Կոմիտեն ստեղծվում է պաշտպանելու հաշմանդամություն ունեցող անձանց իրավունքները: Սկզբում (ստեղծման ժամանակ) այնտեղ ընդգրկված պետք է լինի 12 մասնագետ, այնուհետև նրանց թիվը հասնում է 18-ի:



- Կոմիտեի անդամներն ընտրվում են 4 տարի ժամկետով:

Կոմիտեի լրացուցիչ 6 անդամները անդամ են լինում միայն 2 տարի ժամկետով:



- Անդամներն ընտրվում են կոնվենցիայի մասնակից պետությունների կողմից: Հաշվի է առնվում թեկնածուի երկրի աշխարհագրական դիրքը և զարգացման աստիճանը: Հատկապես կարևոր է հաշմանդամություն ունեցող մասնագետների մասնակցությունը:

- Ընտրություններն անցկացվում են գաղտնի քվեարկությամբ: Առավելագույն ծայեր ստացած մարդիկ ընտրվում են կոմիտեի անդամ:



- Ընտրություններն անցկացվում են ոչ ուշ, քան կոնվենցիայի ուժի մեջ մտնելուց հետո վեց ամսվա ընթացքում: Պետությունները 2 ամսում պետք է գլխավոր քարտուղարին ուղարկեն իրենց առաջարկությունները կոմիտեի թեկնածուների վերաբերյալ:

- Կոմիտեն ինքն է սահմանում իր աշխատանքային կանոնները:




Միավորված ազգերի կազմակերպության գլխավոր քարտուղարը կոմիտեի աշխատանքների արդյունավետ իրականացման համար տրամադրում է համապատասխան անձնակազմ ու նյութական միջոցներ:

### 35. Մասնակից պետությունների հաշվետվությունները



Յուրաքանչյուր պետություն այս կոնվենցիան ստորագրելու օրվանից հետո՝ 2 տարվա ընթացքում, հաշվետվություն է ներկայացնում կոմիտեին այս կոնվենցիայի դրույթների իրականացման աշխատանքների մասին:

- Դրանից հետո յուրաքանչյուր երկիր հաշվետվություն է ներկայացնում առնվազն 4 տարին մեկ անգամ, ինչպես նաև լրացուցիչ հաշվետվություններ, եթե կոմիտեն պահանջում է:



- Կոմիտեն որոշում է հաշվետվությունների բովանդակության վերաբերյալ ուղեցույցները:



- Հաշվետվություններում կարող են նշվել այն դժվարությունները, որոնք ազդում են կոնվենցիայով ստանձնած պարտավորությունների կատարման վրա:

## 36. Ի՞նչ են արվում հաշվետվությունները

Կոմիտեն ուսումնասիրում է հաշվետվությունները և ներկայացնում առաջարկություններ դրանց վերաբերյալ: Այն կարող է պահանջել նաև լրացուցիչ տեղեկատվություն:



- Եթե հաշվետվություն ներկայացնելն ուշանում է, կոմիտեն կարող է նախազգուշացնել այդ երկրին, որից հետո 3 ամսվա ընթացքում վերջինիս տարածքում այս կոնվենցիայի իրականացման վերաբերյալ ուսումնասիրություն կանցկացնի:

- Բոլոր պետությունները կարող են ծանոթանալ բոլոր հաշվետվություններին:



- Յուրաքանչյուր պետություն իր հաշվետվությունները մատչելի է դարձնում իրենց երկրի հանրության համար:

- Անհրաժեշտության դեպքում կոմիտեն հաշվետվություններն ուղարկում է ՄԱԿ-ի տարբեր մարմիններ և կազմակերպություններ՝ կարծիքի կամ օգնության խնդրանքով:



### 37. Կոմիտեի և մասնակից պետությունների համատեղ աշխատանք

Յուրաքանչյուր պետություն կոմիտեի հետ աշխատում է համատեղ և աջակցում կոմիտեի անդամներին անհրաժեշտ տեղեկատվությամբ:



Կոմիտեն մասնակից պետությունների հետ մտածում է՝ ինչպե՞ս արդյունավետ իրականացնել այս կոնվենցիայի դրույթները:



### 38. Կոմիտեի հարաբերություններն այլ կազմակերպությունների հետ

Շատ կարևոր է, որ պետություններն ու կազմակերպությունները աշխատեն միասին՝ այս կոնվենցիայի դրույթների իրականացման համար:



- Տարբեր կառույցներ և կազմակերպություններ ներգրավված են կոմիտեի կողմից՝ խորհրդատվություն և տեղեկատվություն տրամադրելու իրենց գործունեության ոլորտների վերաբերյալ:

- Կոմիտեն կարող է առաջարկել մարդկանց իրավունքների պաշտպանությամբ զբաղվող կազմակերպություններին ներկայացնել հաշվետվություններ իրենց աշխատանքի համապատասխանությանը այս կոնվենցիային:



## 39. Կոմիտեի հաշվետվությունը

Յուրաքանչյուր երկու տարին մեկ անգամ կոմիտեն հաշվետվություն է ներկայացնում Գլխավոր ասամբլեային ու Տնտեսական և սոցիալական խորհրդին՝ տարբեր երկրներում իրականացվող իր գործունեության մասին:



## 40. Մասնակից պետությունների հանդիպումները




Մասնակից պետությունները պարբերաբար հանդիպում են՝ քննարկելու այս կոնվենցիայի իրականացմանն առնչվող հարցեր:

Առաջին հանդիպումը տեղի է ունենում կոնվենցիայի ընդունման օրվանից ոչ ուշ, քան 6 ամիս հետո: Հետագա հանդիպումները իրավիժում է գլխավոր քարտուղարը:



## 41. Բոլոր հաշվետվությունների և տեղեկատվության պահպանումը



Բոլոր հաշվետվություններն ու տեղեկատվությունը հանձնվում են Միավորված ազգերի կազմակերպության գլխավոր քարտուղարին:

## 42. Կոնվենցիայի ստորագրումը



Պետությունները կարող են ստորագրել այս կոնվենցիան 2007 թ. մարտի 30-ից Նյու Յորքում՝ Միավորված ազգերի կազմակերպության նստավայրում:

## 43. Համաձայնությունն ու հաստատումը

Կոնվենցիան գործում է այն երկրներում, որոնք ստորագրել են այն:

Այն պետությունները, որոնք դեռ չեն ստորագրել, ևս կարող են միանալ:



## 44. Միավորված երկրներ



Որոշ երկրներ միավորվում են կազմակերպություններում, ինչպես՝ Եվրոպայի միությունը:



Այս կազմակերպությունները նույնպես կարող են միանալ կոնվենցիային և երկրների հանդիպման ժամանակ ևս ասելիք ունենան:

## 45. Ե՞րբ է կոնվենցիան ուժի մեջ մտնում

Այս կոնվենցիան ուժի մեջ է մտնում 20 երկրների կողմից հավանության արժանանալուց հետո 30-րդ օրը:



## 46. Վերապահումները



Պետությունները կարող են բարձրաձայնել այս կոնվենցիայի այն կետերի մասին, որոնց համաձայն չեն, բայց նրանք չեն կարող չհամաձայնել այս կոնվենցիայի հիմնական մասի հետ:


## 47. Փոփոխությունները

Ցանկացած պետություն կարող է առաջարկել փոփոխություններ այս կոնվենցիայում: Նրանք կարող են դա անել՝ դիմելով գլխավոր քարտուղարին, որը ներկայացնում է այլ երկրների:

Պետությունները որոշում են, թե առաջարկությունը քննարկելու համար արդյոք հանդիպելու կարիք կա՞ և արդյոք դա պե՞տք է ընդունվի:



## 48. Կոնվենցիայի չեղյալ հայտարարումը



Պետությունները կարող են չեղյալ հայտարարել այս կոնվենցիան՝ գլխավոր քարտուղարին տեղյակ պահելով: Ծանուցումը գլխավոր քարտուղարի ստանալու օրվանից մեկ տարվա ընթացքում նրանք դադարում են լինել մասնակից պետություն:


## 49. Մատչելի տեղեկատվություն



Այս կոնվենցիան հասանելի կլինի հասկանալու համար հեշտ ձևաչափով:

## 50. Կոնվենցիան այլ լեզուներով

Այս կոնվենցիայի պաշտոնական լեզուներն են արաբերենը, չինարենը, անգլերենը, ֆրանսերենը, ռուսերենը և իսպաներենը, որոնք նույնական են:



**Կոնվենցիա  
հաշմանդամություն ունեցող անձանց իրավունքների մասին**

**Չեչտ ընթերցվող տարբերակ**

Նկարիչ-ձևավորող՝ Անահիտ Գրիգորյան  
Թարգմանիչ՝ Անահիտ Քալանթարյան  
Էջադրող՝ Արտակ Չամբարձումյան

Տպագրությանն աջակցել են  
«Առաքելություն Արևելք» մարդասիրական օգնության դանիական կազմակերպությունն  
ու Դանիայի միջազգային զարգացման գործակալությունը